



金石錄卷之二十四

跋尾十四

唐益州學館廟堂記

張說撰

唐萬年宮碑陰題名

唐薛收碑

李善撰

唐崔敦禮碑

唐贈左僕射楊達碑

李善撰

唐李靖碑

唐辨法師碑

唐蘭陵長公主碑

金二十四

唐清河公主碑

唐趙智碑

唐登封紀號文

唐司元太常伯竇德碑

唐于志碑

唐文館學士顧君墓誌

唐碧落碑

唐興昔亡單于阿史那彌射碑

唐阿史那忠碑



唐明徵君碑

唐黎尊師碑

唐李勣碑

唐陽翟侯夫人陸氏墓誌

唐少姨廟碑

唐啟母廟碑

唐房(玄)齡碑

唐高士廉塋兆記

唐益州學館廟堂記

金二十四

二

右唐益州學館廟堂記成都縣令顏有意書撰人題法  
曹陳王文學太子詹事待詔(弘)文館陵州長史而姓名  
殘缺不可辨集古錄直以為有意撰非也碑陰載當時  
官僚姓名後人題云此記賀遂亮撰未知果是否記文  
敘述前世遺跡考究同異文辭古雅甚可喜也

唐萬年宮碑陰題名

右唐萬年宮碑陰者高宗自為萬年宮碑詔宰相而下  
皆題名於其陰余每覽此碑見長孫無忌褚遂良許敬  
宗李義府同時列名未嘗不掩卷太息以為善惡如水

火決不可同器惟人主能辨小人而遠之然後君子道長而天下治若兼收並用則小人必得志小人得志則君子必被其禍如無忌遂良是已然知人帝堯所難非所以責高宗也

薛收碑

右唐薛收碑文字殘缺其可讀處以唐史校之無甚異同惟收之卒諡曰懿而史不書爾又收之子元超據唐史及此碑皆云名元超而楊炯盈川集載炯所為元超行狀乃云名振字元超蓋唐初人多以字為名耳

金一十四

唐崔敦禮碑

右唐崔敦禮碑按新唐史列傳云敦禮字安上而宰相世系表則云名安上字敦禮今此碑所言與表合然舊史及碑皆言敦禮本名元禮高祖為改名焉其孫兢墓誌亦云名敦禮蓋疑其以字行耳又世系表其末載崔氏為宰相者二十餘人而獨不著敦禮乃其闕漏也

唐贈左僕射楊達碑

右唐贈左僕射楊達碑達觀王雄弟也煬帝時官至納言卒贈吏部尚書唐顯慶中以武后外祖父加贈左僕

射官爲之立碑以隋書列傳攷之時有異同傳云字士達而碑云字叔莊傳云年六十二而碑云年六十五皆當以碑爲正又傳云諡恭而碑云諡懿予集錄有李嶠所撰武后母墓碑亦云諡爲恭與傳合未知孰是也

唐李靖碑

右唐李靖碑集古錄云靖之封衛國公也授濮州刺史蓋太宗以功臣爲世襲刺史後雖不行史宜書而不書者闕也余按新史長孫無忌傳載無忌以下授世襲刺史者凡十四人姓名俱存蓋其事已見於他傳則於本

金二十四

傳似不必重載也

唐辨法師碑

右唐辨法師碑薛純陁書歐陽公集古錄云純陁太宗時人其書有筆法意其當時必爲知名士而今世人罕知者然亦不傳於世集古所得純陁書祇此而已余按法書要錄云薛純陁學歐草微傷肥鈍亦通之亞也然則純陁當時眞知名矣余又得純陁八分書比干碑歐陽公所未嘗見也與純陁同時有薛純唐太宗命書砥柱銘者其筆法與純陁絕相類疑卽一人蓋唐初時人

姓名多如此耳

唐蘭陵長公主碑

右唐蘭陵長公主碑李義府撰據唐書列傳公主太宗

第十二女而碑云第十九女蓋傳誤也

唐清河公主碑

右唐清河公主碑公主太宗女也碑云下嫁程知節之

子處亮知節碑文及唐史知節列傳元和姓纂所載皆

同惟公主列傳作懷亮非是唐家一史而首尾自相乖

戾者甚眾非特此也

金二十四

唐趙智碑

右唐趙智碑云智字處仁而史不載又云自太子

舍人為吏部員外郎遷國子博士檢校吏部郎中尋為

越王府長史兼檢校吏部侍郎遂轉黃門侍郎舊史亦

云累遷而新史直云由太子舍人拜黃門侍郎爾又

智為國子祭酒嘗領東宮賓客而新舊史亦皆不載

唐登封紀號文

右唐登封紀號文凡兩碑皆高宗自撰并書其一大字

磨崖刻於山頂其一字差小立於山下然世頗罕傳政

和初余親至泰山得此三碑入錄焉中書以平章事入  
官志唐司元太常伯竇德⑤碑碑題空缺其事其  
右唐竇德⑤碑以唐史本傳考之其事多合惟德⑤爲  
御史大夫攝吏部禮部度支三尚書遂遷大司憲史皆  
不載又其弟德遠史云封樂安男而碑作樂平皆當以  
碑爲正書門下三品唐于志兼太子少師⑤碑題

右唐于志⑤碑以考唐史列傳其微時所歷官吏多不  
書今亦不復錄錄其尤著者碑云大業十年爲清河縣

金二十四

六

長而傳云爲冠氏長碑云自中書侍郎遷兵部授蒲州  
刺史不赴後爲衛尉卿判太常卿事以本官兼雍州別  
駕遷禮部尚書而史皆不載史云自侍中拜尚書左僕  
射同中書門下三品頃之兼太子少師遷太傅顯慶四  
年以老乞骸骨詔解僕射更拜太子太師仍同三品今  
以碑考之其初拜僕射也未嘗領中書門下三品至罷  
僕射乃爲同中書門下參謀朝政皆史官之誤又按百  
官志唐初宰相有參議朝政參預朝政參知政事其後  
有同中書門下三品同平章事中遂以平章事入

銜而獨無參謀朝政之名蓋惟見於此耳

唐文館學士顧君墓誌

右唐顧君墓誌已殘缺亡其前一段以事考之蓋顧君也○高宗朝為○文館學士司文郎中卒姓名附見唐書令狐德棻傳其子琮仕武后為宰相今此誌但云第六子琮等而無琮豈當時官未顯故不載歟

唐碧落碑

右唐碧落碑大篆書其詞則唐宗室黃公讓所述或云

陳遺玉書或云讓自書皆莫可知李肇及李漢並言李

金二十四

七

陽冰見此碑徘徊數日不去又言陽冰自恨其不如以槌擊之今缺處是也此說恐不然陽冰嘗自述其書以謂斯翁之後直至小生於他人書蓋未嘗有所推許唐人以大篆當時罕見故妄有稱說耳其實筆法不及陽冰遠甚也

唐興昔亡單于阿史那彌射碑

右唐阿史那彌射碑彌射本西突厥嘗歸朝後伐龜茲為蘇海政所殺舊唐史紀彌射事甚詳多與碑合而新史所書甚略如高宗朝冊為峴陵都護興昔亡單于皆



不載碑云單于諱某字彌射而缺其名不書史但言名彌射豈非作碑者為緣飾之乎

唐阿史那忠碑

右唐阿史那忠碑唐書列傳云忠尚宗室女定襄縣主始詔姓獨著史今此碑當時所立題云阿史那府君之碑而元和姓纂亦云阿史那氏開元中改為史疑傳誤也唐太宗親撥隋亂卽位未幾遂致太平其好賢樂善蓋出天性故一代豪傑樂為之用如忠之徒乃出於降虜亦皆立勳本朝著名後代雖云太宗天姿英睿絕人

金二十四

八

甚遠至於輸忠盡節眾賢之助亦多矣於乎盛哉  
唐明徵君碑

右唐明徵君碑徵君者梁明山賓也高宗朝其裔孫崇儼以方技進故立此碑舊唐史言高宗自製文而書之非也蓋高宗撰文高正臣書耳

唐黎尊師碑

右唐黎尊師碑題曰盧子昇字照鄰撰按唐史盧照鄰字昇之與此碑不合蓋唐初人多以字為名爾至以子昇為昇之則疑史之誤

唐李勣碑蓋野谷泚立并派出碑題蓮之  
右唐李勣碑按唐史太宗屬疾出勣為疊州都督高宗立召授檢校洛州刺史今以碑考之其除洛州乃在太宗朝高宗卽位授開府儀同三司爾又新舊史皆云勣年八十六而碑云年七十六碑高宗自撰其所書官爵年壽皆可信不疑也

唐陽翟侯夫人陸氏墓誌

右唐陽翟侯夫人陸氏墓誌陽翟侯者褚遂賢也元和姓纂及唐書宰相世系表載遂賢一子兼藝為永州司

金二十四

九

功今此誌云二子兼善兼愛而無兼藝兼善兼愛二子姓纂唐史漏落容有之惟兼藝墓誌不書者何也豈非唐表誤乎

唐少姨廟碑

右唐少姨廟碑楊炯撰云少姨廟者則漢書地理志嵩高少室之廟也其神為婦人像者則故老相傳云啟母塗山氏之妹也余按淮南子云塗山氏化為石而生啟其事不經固已難信今又以少姨為塗山氏之妹廟而祀之其為淺陋尤甚蓋俚俗所立淫祀也炯既載之於

碑又遂以爲漢書所謂少室之廟者何其陋哉

唐啟母廟碑

右唐啟母廟碑崔融撰按淮南子云禹治鴻水通轅轅山化爲熊塗山氏見之慙而去至嵩高山下化爲石方生啟禹曰歸我子石破北方而啟生其說可謂怪矣然漢武帝幸緱氏至中嶽見夏后啟母石列於詔書則固已信之矣其後郭璞注山海經顏師古注漢書皆具載其語而融又文其事於碑流俗安得不惑乎自古荒誕之士喜爲奇辭怪說以欺世眩俗學士大夫能卓然不惑者蓋鮮如啟母化爲石伊尹之母化爲桑事尤不經難信然由古迄今未有非之者也於乎此君子所以惡攻乎異端也歟

唐房<sub>玄</sub>齡碑

右唐房<sub>玄</sub>齡碑文字磨滅斷續不可考究惟其名字僅存其後題修國史河南公而姓名殘缺者褚遂良也按舊唐史云<sub>玄</sub>齡名喬字<sub>玄</sub>齡而新史乃云名<sub>玄</sub>齡字喬今碑所書與新史合惟宰相世系表又云<sub>玄</sub>齡字喬松者不知何所據也

唐高士廉瑩兆記

右唐高士廉瑩兆記唐史及元和姓纂皆云士廉父名  
勵而北史作勸今此碑與北史合蓋唐史及姓纂傳寫  
誤耳碑許敬宗撰趙模書模字畫甚工蓋貞觀中太宗  
命臨蘭亭敘者

金石錄卷之二十四

金二十四

十一

此碑在蘭亭序後  
其工蓋貞觀中太宗  
命臨蘭亭敘者

此碑在蘭亭序後  
其工蓋貞觀中太宗  
命臨蘭亭敘者

金石錄卷之二十五

跋尾十五  
唐 偽周

唐褚亮碑

唐洛州刺史賈公清德頌

唐歐陽詢妻徐夫人墓誌

唐襄州刺史封公碑

唐襄州孔子廟堂碑

唐奉禮郎岑子輿墓誌

唐醴泉縣令張仁蘊德政碑

周武后昇中述志碑

周武后封中嶽碑

周昇仙太子碑

周大雲寺碑

周武士護碑

周孔昌寓碑

周崔敬嗣墓誌

唐祝府君碑

唐秦州都督唐宗碑

唐工部尚書姚璿碑

唐工部尚書姚璿碑

後周宇文舉碑

唐魏叔瑜妻王夫人墓誌

唐兵部侍郎崔兢墓誌

唐中興聖教序

唐聖教序碑側

唐徐有功碑

唐國子祭酒武承規墓誌

唐陝州刺史劉延景碑

唐修封禪壇記

金二十五

唐褚亮碑

右唐褚亮碑唐書云亮杭州錢塘人而碑云晉南遷家於丹陽按元和姓纂自有錢塘褚氏與亮族系不同唐史蓋失之

唐洛州刺史賈公清德頌

右唐洛州刺史賈公清德頌按唐史循吏傳賈敦頤敦實相繼為洛州刺史長史有惠愛郡人皆為刻石號棠棣碑今敦實之碑亡矣此碑載初除洛州制書有云三川之境是稱都會六條之寄允屬時英蒲州刺史賈敦

蹟體業強正識用優敏蓋其名乃敦蹟也又武后實錄敦實傳中亦作敦蹟以此知唐史傳寫之誤又按法書要錄此碑王知敬書以知敬所書他石刻校之字畫不類未知果知敬書否也

金二十五

三

右唐歐陽詢妻徐氏墓誌云徐始以夫恩封渤海縣君尋加渤海郡夫人最後以子恩封渤海太縣君按本朝之制婦人既封郡君或郡夫人再以子貴加恩則直封為郡太君郡太夫人不復為縣太君矣今徐既以夫貴封夫人後以子恩纔封為太縣君蓋一時之制如此又不曰縣太君而曰太縣君與今名號亦異也唐世婦人封邑次敘史家不載偶見於此誌耳

右唐襄州刺史封公碑宋之慈書字畫頗佳之慈之問弟也兄弟皆小人之慈奴事武三思三思五狗之慈乃其一以此知書特小技苟非其人亦何足貴哉

右唐襄州孔子廟堂碑于敬之撰其前題魯大司寇贈

太師宣尼父孔丘廟堂碑銘春秋之法或書字或書名  
皆所以寓褒貶之意今敬之為孔子廟碑而斥其名何  
哉有故各同音然無九司却立而不相當和祖與等處  
十繪輝唐奉禮郎岑子輿墓誌與魯公紛善不厭因此  
右唐岑子輿墓誌云君諱子輿字安道南陽棘陽人也  
曾祖之象祖文本父曼倩按元和姓纂及新唐書宰相  
世系表載曼倩四子獻義仲翔仲休而無子輿今墓誌  
云次弟獻前太子典膳郎次弟義前成均監主簿而無  
仲翔仲休墓誌既云獻義等則不載仲翔仲休容有之

金二十五

四

惟子輿乃曼倩長子姓纂與世系表當書而闕者何也

云大業唐醴泉縣令張仁蘊德政碑

右唐醴泉縣令張仁蘊德政碑長壽三年立醴泉尉顏

真卿書按魯公雖嘗為此官然在開元閒而魯公以貞

元元年為李希烈所害年七十六上距長壽三年實九

十餘載是時猶未生也又筆法與魯公他書不類以此

疑有姓名同者然碑武后時立而不用當時所製字或

云碑雖建於長壽中至魯公為尉重書而刻之未可知

也按新史紀傳魯公以貞元元年被害時七十六而舊史德宗實錄皆云歿於興元元年年七十七疑新史



誤

周武后昇中述志碑

右周武后昇中述志碑武后自撰睿宗書碑極壯偉立於嵩山之巔其陰鍾紹京書字畫皆工妙政和中河南尹上言請碎其碑詔從之

周武后封中嶽碑

右周武后封中嶽碑已殘缺書撰人名字皆不可考然驗其筆跡蓋薛稷書也

周昇仙太子碑

金二十五

五

右周昇仙太子碑武后撰并書昇仙太子者王子晉也是時張易之昌宗兄弟方有寵諂諛者以昌宗為子晉後身故武為葺其祠親銘而書於其碑君臣宣淫無恥類如此可發萬古之一笑也

周大雲寺碑

右周大雲寺碑賈膺福撰并八分書其筆法精妙可喜按唐舊史云武后鑄九鼎圖寫山川物象命工書人賈膺福薛昌容李元振鍾紹京等分題之紹京之書世固多有膺福筆跡雖僅存然世亦未有稱之者如昌容等

書遂不復見以此知士所以自著於不朽者果在德而不在藝也

### 周武士護碑

右周武士護碑武后時追尊士護爲無上孝明皇帝命李嶠爲碑文相王旦書石焉戎幕閒談載李德裕言昔爲太原從事見公牘中有文水縣牒稱武士護墓碑元和年忽失龜頭所在碑上有武字凡十一處皆鐫去之碑高大非人力所及未幾武元衡遇害今此碑武字最多皆刻畫完好無訛缺者以此知小說所載事多荒誕不可信類如此

金二十五

六

### 周孔昌寓碑

右周孔昌寓碑載其世系甚詳云宣尼父三十六世孫也十四世祖潛吳侍中生晉豫章太守竺竺生大尙書沖沖生大司農俛俛生祕書監滔滔生江夏太守俟俟生宋尙書左丞幼幼生尙書右丞遙之遙之生中書侍郎昌生齊散騎常侍珮珮生梁侍中休源休源生陳黃門侍中宗範宗範生陳散騎常侍伯魚伯魚生隋祕書正字德紹德紹生昌寓唐以前士人以族姓爲重故

雖迭更千百年歷數十世皆可攷究自唐末五代之亂在朝者皆武夫悍卒於是譜牒散失士大夫茫然不知其族系之所出豈不可惜也哉故余詳錄於此使後學論姓氏者有攷焉按此碑及梁史皆云休源沖八世孫而元和姓纂獨以爲七世孫誤矣

周崔敬嗣墓誌

右周崔敬嗣墓誌云祖咸考表而元和姓纂以咸爲誠表爲儀表又新唐書崔光遠傳中宗在房州官吏多不爲禮光遠祖敬嗣爲刺史獨盡誠推奉帝德之及反正

金二十五

七

有與敬嗣同姓名者每擬官帝輒超拜後召見悟非是訪敬嗣已死卽授其子汪五品官汪生光遠今以墓誌考之敬嗣武后時實爲房州刺史然墓誌載敬嗣長子悅次子協而無名汪者而姓纂亦云悅生光遠然則以悅爲汪蓋史誤也敬嗣卒於證聖元年中宗反正其歿已久屢遷他人官而不悟可謂昏矣

唐祝府君碑

右唐祝府君碑府君諱緄欽明父也碑欽明自撰今南京有漢祝睦兩碑其一言君兆自重黎祝融苗胄其一

言其先高辛余按諸書重黎祝融皆帝高陽之後帝堯高辛之子也睦碑既云出於重黎祝融又云出於高辛自相抵牾莫可考究而此碑引世本氏姓篇云祝氏軒轅之後也史記周本紀武王克殷封黃帝之後於祝帝堯之後於薊樂記云封黃帝之後於薊帝堯之後於祝蓋以黃堯本一字同出有熊由此史傳相交祝薊互舉參攷世本史遷近之然司馬遷史記於族系多采世本不知世本果可盡信否蓋君子於學有所不知闕焉可也

金二十五

唐秦州都督唐宗碑

右唐唐宗碑云君諱宗字徵仁而唐書宰相世系表云名世宗碑又云祖諱子政而世系表作二政皆當以碑為正宗宰相休璟祖也仕隋為朔方郡丞行郡守事大業末為賊梁師都所殺神龍中贈秦州都督

唐工部尚書姚璿碑

右唐姚璿碑按新唐書璿列傳云為夏官侍郎坐族弟敬節叛貶桂州長史而碑云自兵部侍郎以敬節犯法改授司府少卿檢校定州刺史尋即真轉都督廣循等

二十三州諸軍事廣州刺史後替還仍以前累重貶桂州又璿爲宰相時嘗爲西京留守而史不載璿以妖妄諂諛事武后其事蹟皆不足取而於官秩闕漏不可不記者所以正史官之失也璿微時所歷官列傳尤簡略今皆不復載云

後周宇文舉碑

右後周宇文舉碑盧思道撰其曾孫敞追建於神龍中以後周書考之官闕事迹多同惟碑云公諱舉字神舉而史但言名神舉而已又史云其曾祖名求男而碑止

金二十五

九

言名求史云祖名顯和而碑止言名和亦皆不同其卒也史云宣帝以宿憾殺之而碑稱遭疾薨疑作碑者爲諱其事當以史爲正

唐魏叔瑜妻王夫人墓誌

右唐王夫人墓誌夫人魏叔瑜妻華之母也誌無書撰人姓名驗其筆法蓋華自書華以草隸擅名一時然石刻見於今者絕少此誌世尤罕傳云

唐兵部侍郎崔兢墓誌

右唐崔兢墓誌云公諱兢字明慎祖敦禮父守業按舊

唐書敦禮列傳云孫貞慎神龍初爲兵部侍郎元和姓纂新史宰相世系表所書亦同今以墓誌考之其家世及名位皆合惟不著其名而以明慎爲貞慎者皆唐史及姓纂之闕漏也

唐中興聖教序

右唐中興聖教序中宗爲三藏法師義淨所作唐奉一書刻石在濟南長清縣界四禪寺寺在深山中義淨眞身塔尙存子屢往遊焉得此文入錄按御史臺記奉一齊州人善書翰武后時爲御史後坐誅翦皇族廢

金二十五

唐聖教序碑側

右唐聖教序碑側云則天嘗得玉冊上有銘十二字朝野不能識義淨能讀其文曰天冊神皇萬歲忠輔聖母長安證聖元年五月上之詔書褒答按宋莒公紀年通譜武后以證聖元年九月受天冊金輪聖神之號故大赦改元先是司餼局人於水際得石函有玉冊云神皇萬歲忠輔聖母長安故改元協瑞其文與義淨所載小異云余嘗謂義淨方外之人而區區爲武后稱述符命可笑也然陶景號稱一代高士在梁武時亦屢上圖

識豈獨義淨也哉

唐徐有功碑

右唐徐有功碑徐彥伯撰以新舊唐史考之其本末皆同惟舊史云長安二年卒年六十二碑云三年卒年六十八新史亦云年六十八與碑合

唐國子祭酒武承規墓誌

右唐武承規墓誌蘇頌撰顏魯公家廟碑載魯公之父名惟貞字叔堅嘗為太子文學今此誌題太子文學顏叔堅書豈非以字行乎家廟碑又稱叔堅受筆法於舅

金二十五

殷仲容氏特以草隸擅名云

唐陝州刺史劉延景碑

右唐劉延景碑延景女為睿宗妃生讓帝者碑云夫人房氏以景雲元年贈沛國夫人二年歲次丁亥附窆於延景之墓按睿宗以景雲元年六月即位改元歲次庚戌明年歲在辛亥而碑作丁亥誤也碑載延景四子溫玉承顏璵琪而元和姓纂以璵為瑗蓋姓纂之謬

唐修封禪壇記

右唐修封禪壇記賈膺福書初余得膺福八分書大雲

寺記愛其筆法後又得此記字爲小楷尤工妙可喜云  
金石錄卷之二十五

金二十五

十一



金石錄卷之二十五

寺記愛其筆法後又得此記字爲小楷尤工妙可喜云



金石錄卷之二十六

跋尾十六

唐并州長史崔敬嗣碑

唐贈右僕射王洎碑

唐嵩州都督姚懿碑

唐盧懷慎碑

唐琅琊王沖墓誌

唐元觀尹尊師碑

唐河侯新祠頌

唐郭知運碑

金二十六

唐大雲寺禪院碑

唐六公詠

唐涼國長公主碑

唐衛尉正卿泉君碑

唐左驍衛大將軍趙元禮碑

唐王方翼碑

唐龍角山紀聖銘

唐冠軍大將軍臧懷亮碑

唐蕭灌碑

唐楊<sup>麻</sup>碑

中宗時宰相其被各三令對香感之文

唐汝陽王長女墓誌

汝陽王長女墓誌

唐南嶽真君碑

南嶽真君碑

唐立梁宣帝明帝二陵碑

立梁宣帝明帝二陵碑

唐孝義寺碑陰記

唐孝義寺碑陰記

唐景陽井銘

唐景陽井銘

唐代國長公主碑

唐代國長公主碑

唐趙冬曦祭仲山甫文

唐趙冬曦祭仲山甫文

唐解琬碑

唐解琬碑

唐贈兗州都督裴守真碑

唐贈兗州都督裴守真碑

唐屯留令邢義碑

唐屯留令邢義碑

唐并州長史崔敬嗣碑

唐并州長史崔敬嗣碑

右唐崔敬嗣碑按唐史崔光遠傳中宗在房州光遠之

祖敬嗣為刺史盡誠推奉帝德之及反正有與敬嗣同

姓名者每擬官輒超拜後召見悟非是訪真敬嗣已死

乃用其子余集錄有光遠祖墓誌其卒在武后朝此碑

敬嗣蓋中宗時誤遷官者也而碑乃云景龍元年有制

追不時至中宗對宰相稱其姓名三令使者趣之及謁

見卽日拜羽林將軍二說不同豈中宗旣召見乃悟其非是歟

唐贈右僕射王洎碑

右唐王洎碑洎王仁皎父也元和姓纂唐書宰相世系表皆云名文洎而碑云名洎字文洎云

唐雋州都督姚懿碑

右唐姚懿碑懿崇父也據碑及唐書宰相世系表皆云公諱懿字善意而崇子奕碑與元和姓纂乃云名善意豈非以字行乎懿隋末唐初人仕至雋州都督開元間

金二十六

崇爲宰相立此碑

唐盧懷慎碑

右唐盧懷慎碑蘇頌撰其敘懷慎官闕甚略云公諱德慎字懷慎而史不載其字又云上因游鄆杜北望京闕歸然有公之別廬抵其宅甚陋據此所書乃明皇嘗親幸其第而史云馳使問之非也史又云懷慎屬疾宋璟盧從愿候之臨別執二人手曰上求治切然享國久稍勸於勤將有憊人乘閒而進矣蓋謂楊李也果如此懷慎可謂先見然獨新史有之舊史不載按懷慎以開元

四年卒是時明皇新卽位登用賢俊銳於爲治之時也  
乃曰享國久倦於勤何哉疑初無此事蓋唐史喜取小  
說所載故事多謬誤以此知是非去取秉史筆者豈可  
不慎

唐琅琊王冲墓誌

右唐琅琊王冲墓誌冲越王貞子也中宗遷房陵貞與  
冲謀反正舉兵未幾父子皆敗開元六年始詔陪葬昭  
陵武后革命毒流海內而唐之宗室被禍尤甚冲父子  
時畏誅翦故舉兵爾非有它謀也倉卒無援卒就夷滅

金一二十六

四

哀哉

唐元觀尹尊師碑

右唐尹尊師碑郭謙光八分書謙光八分初不見稱於  
唐人獨歐陽公盛稱之以謂不減韓蔡史李四家余因  
訪求久之得崔敬嗣及此碑著錄焉

唐河侯新祠頌

右唐河侯新祠頌秦宗撰云河伯姓馮名夷字公子潼  
鄉華陰人也按章懷太子張衡傳注引聖賢冢墓記亦  
云馮夷者農華陰潼鄉隄首里人服八石得水仙爲

河伯又引龍魚河圖曰河伯姓呂名公子夫人姓馮名夷三說雖異然其爲無所稽據則同也於乎自古荒誕之說惑人雖聰明之士猶或不免況庸人乎

唐郭知運碑

右唐郭知運碑蘇頲撰知運有兩碑其一張說文唐書知運傳載其子二人曰英傑英乂而蘇張二公所爲碑書其子四人曰英傑英奇英協英彥而無英乂歐陽公疑焉以謂英奇等三子在唐不顯史家闕漏尙或有之英乂嘗爲西川節度使其事甚著史官不應差其世家

金二十一

五

而蘇張二公作銘在知運卒後不遠亦不應闕其子孫莫可究其孰失余按代宗實錄云英乂知運季子而元載所爲英乂墓碑亦云隴右節度使知運公之皇考也然則英乂爲知運子無疑又按英乂碑云公以天寶二載筮仕蓋知運以開元九年卒明年立碑碑所載諸子皆已有名位英乂時方孩幼且未從仕故碑不載爾余又嘗得徐浩所爲英傑碑有云移孝於忠二葉四將齊名當代同氣十人然則知運諸子碑傳闕漏者尙多不獨此三人而已

德宗實錄又有郭英幹云英乂弟也

唐大雲寺禪院碑

右唐大雲寺禪院碑李邕撰并書初武后時有僧上大雲經陳述符命遂令天下立大雲寺至開元二十六年詔改爲開元寺此碑十一年建故猶稱大雲也

唐六公詠

右唐六公詠李邕撰胡履虛書初予讀杜甫八哀詩云朗詠六公篇憂來豁蒙蔽恨不見其詩晚得石本入錄其文詞高古真一代佳作也六公者五王爲一章狄丞相別爲一章云

金二十六

唐涼國長公主碑

右唐涼國長公主碑蘇頌撰明皇書公主睿宗女也新唐書列傳云字華莊而碑云諱窈字花粧傳云下嫁薛伯陽而碑云嫁溫彥博曾孫曦按新史睿宗第三女荊山公主已嫁薛伯陽當以碑爲正

唐衛尉正卿泉君碑

右唐泉君碑泉君者高麗蓋蘇文之孫泉男生之子也高宗時與男生同歸朝仕爲衛尉卿按唐書及元和姓纂皆云名獻誠今此碑乃云諱寔字行於代而闕其字

不書又姓纂云獻誠生<sub>(玄)</sub>隱而碑但云名隱而已獻誠出於夷虜事跡無足考究錄之以見史傳所載名字異同爾

唐左驍衛大將軍趙元禮碑

右唐趙元禮碑潘肅撰元禮趙麗妃之父本山東倡也明皇在潞麗妃以倡得幸後生太子瑛開元初元禮父子皆超遷至顯官其卒贈越州都督諡曰忠詔爲立碑稱述甚盛夫爵祿天下公器所以待有德與功者雖人主不得而私焉明皇昵於內寵擢用匪人至爲賜諡立碑尊寵如此使天下之士亦何所勸乎論者徒知明皇自天寶以後綱紀廢弛卒致播遷之禍不知其衽席無別履霜不戒所從來久矣

唐王方翼碑

右唐王方翼碑張說撰其事與唐書列傳皆合以校予家所藏燕公集本不同者二十餘字皆當以碑爲是也

唐龍角山紀聖銘

右唐龍角山紀聖銘明皇撰按高祖實錄武德三年四月辛巳晉州人吉善行於羊角山見白衣老父乘白馬

朱鬣謂善行曰爲吾語唐天子吾爲老君汝祖也今年平賊後汝當爲帝天下太平必得百年享國子孫且千歲太宗遣使者杜昂致祭須臾神復見謂昂曰歸語天子我不食何煩祭爲高祖異之立廟於其地授善行朝散大夫據碑稱是時太宗爲秦王討宋金剛所謂賊平汝當爲帝者指太宗也其事可謂怪矣然碑與實錄所載語頗不同文多不能備錄惟碑稱善行以武德三年二月初奉神教至四月老子又見曰石龜出吾言實旣而太宗遣昂善行乘驛表上比至長安適會郇州獻瑞石如龜文曰天下安千萬日而實錄亦云郇州獻瑞石有文曰天下千萬其語小異又碑稱善行絳州人而實錄云晉州爾老子其生以清淨無爲爲宗豈身沒數千歲而區區爲人稱述符命哉蓋唐太宗初起託以自神此陳勝所謂卜之鬼者也史臣旣載於實錄明皇又文之於碑遂以後來爲眞可欺罔豈不可笑也哉

唐冠軍大將軍臧懷亮碑

右唐冠軍大將軍臧懷亮碑李邕撰并書臧氏世墓在耀州三原有數碑余盡得之元和姓纂云懷亮生希讓



爲渭北節度使此碑具載懷亮諸子無名希讓者以余家所有顏魯公書懷恪碑考之希讓蓋懷恪子云

唐蕭灌碑

右唐蕭灌碑張說撰云灌爲內直監以外艱去職當免喪不就祥縞不撤几筵者久之夫禮爲可傳也爲可繼也子路有姊之喪可以除之矣而弗除也孔子曰何弗除也子路曰吾寡兄弟而弗忍也孔子曰先王制禮行道之人皆弗忍也子路聞之遂除之灌父喪當除其母無恙而過時不釋服不撤几筵豈禮也哉

金一十六

九

唐楊勗碑

右唐楊勗碑題云義男光祿大夫前中書令上柱國越國公太子右諭德潁川鍾紹京撰銘并書勗中官楊思勗父也紹京出於胥吏無他才能特以夤緣附會致位宰相固無足道者然屈於闔豎至以父事之而又著之金石略無愧恥亦甚矣書之可以爲後來之戒而新舊史皆闕焉故余詳錄之於此者有以見小人苟可以得利無不爲也

唐汝陽王長女墓誌

右唐汝陽王長女墓誌（補）王撰唐史及諸書汝陽王名皆為璉而此誌獨作（淨）誌（補）王自作不應差誤按（補）王諸子與（玄）宗子名皆從玉疑汝陽先名（淨）後改為璉唐史不載爾（二）宗諸子名初皆從水後改從玉也

唐南嶽真君碑（補）亦贊始於蓋萬二千澗也

右唐南嶽真君碑有別駕賞紫金魚袋光大暉歐陽公云賞紫蓋今借紫之比余按唐制自有借紫借緋而又賞紫賞緋蓋以軍功被賞者耳（補）中書門下平

唐立梁宣帝明帝二陵碑（補）二十一年其裔孫嵩

右唐立梁宣帝明帝二陵碑開元二十一年其裔孫嵩

追建其前題銀青光祿大夫黃門侍郎同中書門下平章事而姓名已殘缺按唐紀開元二十一年韓休實為此官然則此碑乃休之文也碑後題金紫光祿大夫行光祿卿駙馬都尉而姓名亦殘缺者蓋嵩之子衡也

唐孝義寺碑陰記

右唐孝義寺碑陰記初陳徐陵為孝義寺碑至開元二十三年徐嶠之為湖州刺史再書而刻之因記其事於碑陰嶠之自云陵十世孫按陳書陵以後主至德元年

卒距開元二十三年纔百五十餘年不應已有十世孫又據嶠之父高行先生碑云曾祖儼梁岳陽王參軍則是儼與陵同時而在其前不應爲陵五世孫以此碑陰所書可疑然其筆法精妙非嶠之不能爲特恐書碑時誤耳

唐景陽井銘

右唐景陽井銘文字摩滅後有記開元中江甯縣丞王震撰震所撰記其前以爲序稱余莫知誰也其末乃云蓋隋煬帝之所製耳然則未知果煬帝所製乎歐陽文忠公曰煬帝躬自滅陳目見叔寶事又嘗自銘以爲戒如此及身爲淫亂則又過之豈所謂下愚不移者哉余以謂煬帝躬賊其父而奪之位其凶忍狂悖人神之所憤疾死蓋晚矣至於長惡不悛以亡其國乃所當然又何足議焉

唐代國長公主碑

右唐代國長公主碑云公主睿宗第四女也新唐史以爲第五女蓋史誤碑乃公主壻鄭萬鈞撰

唐趙冬曦祭仲山甫文



六年卒而新史以為卒於五年者誤也

唐贈兗州都督裴守真碑

右唐裴守真碑云守真曾祖景周富平令祖正長平郡贊治考脊鄧令新唐史宰相世系表亦云景生正隋散騎常侍正生脊字歸厚為鄧令而元和姓纂乃云正生歸厚歸厚生脊者誤矣惟守真及其子耀卿碑皆云正為長平郡贊治而世系表言為散騎常侍又云脊字歸厚不知何所據也

金二十六

三

右唐邢義碑邢義和璞父也元和姓纂云和璞父名思

孝為豐州都督而碑乃云公諱義字思義仕為屯留令又姓纂云後魏光祿卿邢虬虬生臧臧生功功生思孝思孝生和璞而碑乃云功之祖名子良皆當以碑為據五坐脊字魏鳳臧讓合而元時姓纂云五坐

金石錄卷之二十六真曾祖景周富平令祖正長平郡

天華卒而滌史也

金石錄卷之二十七

跋尾十七

唐八馬坊碑

唐忠武將軍王暕墓誌

唐淄州開元寺碑

唐吏部尚書楊仲昌碑

唐唐儉碑

唐龍門西龕石像銘

唐金仙長公主碑

唐雲麾將軍李秀碑

金二十七

唐高陽觀紀聖德頌

唐駙馬都尉豆盧建碑

唐陳隱王祠堂記

唐崔潭龜詩

唐貞一先生廟碣

唐陳留尉劉飛造像記

唐棣王墓誌

唐金城寺放生池碑

唐多寶塔感應碑

唐滎陽王妣朱氏墓誌

唐武部尚書楊珣碑

唐宇文灝山陰述

唐永陽郡太守姚奕碑

唐雲門山投龍詩

唐忘歸臺銘

唐渭南令路公遺愛表

唐呂譔祠廟碑

唐呂公表

金二十七

唐玉真公主墓誌

唐京兆尹鮮于仲通碑

唐慧義寺彌勒像碑

唐八馬坊碑

右唐八馬坊碑希昂撰開元之治盛矣監牧之制其詳

如此錄之可以見當時之制焉

唐忠武將軍王暕墓誌

右唐王暕墓誌云父遂古皇駙馬都尉潁州刺史尚高

安公主高宗大帝之女也按唐書高宗第二女高安公

主下嫁潁州刺史王勗天授中勗為武后所誅今此誌乃云名遂古唐初人多以字為名故名字混淆難考遂古豈非以字行乎字英餘而書唐書法字英系又云

唐淄州開元寺碑

右唐淄州開元寺碑李邕撰并書碑初建於本寺後人移寘郡廨敗屋下余為是州遷於便坐用木為闌楯以護之云

唐吏部尚書楊仲昌碑晉云冀太尉靈十八人

右唐楊仲昌碑席豫撰鄔繇篆仲昌有兩碑其一韓擇

金二十七

木八分書刻於此碑之陰文皆同仲昌元子也唐書

元珍列傳與崔沔所撰元珍碑皆云漢太尉震十八代

孫此碑乃以仲昌為二十代唐世士人譜牒猶班班可

考今元珍仲昌父子碑刻不應差其世次不同如此莫

可曉也開元寺碑李邕撰并書韓擇

唐唐儉碑

右唐唐儉碑云儉字茂約而唐書列傳云字茂系又云男尚識尚豫章公主而唐書於儉傳云名善識於公主傳云名茂識皆其差謬此碑開元中儉曾孫追立距儉



結一廬宋氏贖餘叢書

之歿雖已遠然至於名字皆不應有誤可以為據也

唐龍門西龕石像銘

右唐龍門西龕石像銘禮部員外郎張九齡撰今世所有曲江集無此文惜其殘缺不完也

唐金仙長公主碑

右唐金仙長公主碑徐嶠之撰明皇御書據唐書本傳云太極元年與玉真公主皆為道士而碑云丙午歲度為道士蓋神龍二年也此於史學不足道然唐史書事差謬多如此

金二十七

四

唐雲麾將軍李秀碑

右唐李秀碑李邕撰并書碑在幽州按明皇以天寶三年改年為載今此碑元年正月立而稱元載何哉

唐嵩陽觀紀聖德頌

右唐嵩陽觀紀聖德頌天寶中明皇命方士鍊丹於此觀李林甫獻頌稱述功德焉天寶之政荒淫敗度而明皇區區方鍊丹以蘄長生豈不可笑乎

唐駙馬都尉豆盧建碑

右唐豆盧建碑云建其先慕容氏前燕枝族也九世祖

萇在魏賜姓豆盧氏封北地王按元和姓纂云慕容暉  
孫北地王精之後魏道武賜姓豆盧氏精生醜醜曾孫  
萇生曾而北史曾傳云曾曾祖勝以燕皇始初歸魏授  
長樂郡守賜姓焉唐距北朝未遠氏族書完備士大夫  
人人能知其得姓之自今碑與北史姓纂所載不同如  
此皆莫可考

唐陳隱王祠堂記

右唐陳隱王祠堂記張謂撰按明皇以尹喜舊宅得靈  
符遂改元天寶此記云寶符見之二載者天寶二年也

金二十七

五

其末又云龍會甲申海寇吳令光入臣之歲者據紀年  
通譜天寶三載歲次甲申蓋天寶二年斬縣令修完祠  
堂至明年謂始爲記文爾又按唐書帝紀天寶二年十  
二月海賊吳令光寇永嘉郡明年河南尹裴敦復晉陵  
太守劉同昇南海太守劉巨鱗討之閏月令光伏誅今  
此記乃云令光入臣而明皇實錄亦止言敦復等討令  
光平之不言其伏誅不知唐史何所據也豈令光旣降  
而殺之歟不然唐史誤矣

唐崔潭龜詩

右唐崔潭龜詩蔡有鄰小字八分書歐陽公稱之以謂與三代彝鼎銘無異而元祐閒守京兆者取其石爲柱礎世遂不復傳可惜也

唐貞一先生廟碣

右唐貞一先生廟碣貞一先生者司馬承禎也按新舊唐史及諸書皆云承禎字子徽今此碑乃云尊師諱子徽字承禎初莫能曉後因見崔尙所撰天台桐柏觀碑乃言師名承禎一名子徽云

唐陳留尉劉飛造像記

金二十七

六

右唐陳留尉劉飛造像記史惟則小字八分書按封演聞見記云<sup>⑤</sup>宗常幸驪山登朝元閣命羣臣賦詩正字劉飛詩最清拔特蒙激賞右相李林甫怒飛不先呈己出爲一尉而卒士子冤之今此記有云頃校文金殿廣歌柏梁叨沐錦衣之賜遂有長沙之役又云聖恩廣被移官大梁如此則演所記爲不誣矣林甫妒賢嫉能出於天資飛以一詩之善遂遭遠謫其險復如此記在洛陽龍門山字畫甚工而世頗罕傳

唐棣王<sup>⑥</sup>墓誌

右唐棣王珍墓誌按唐史棣王珍坐厭魅囚於鷹狗坊以憂卒而誌云終於咸甯縣興甯里十六王之藩邸史云寶應元年詔復珍王爵而誌云存王削官蓋珍初未嘗奪王爵疑寶應詔書特還其官爾

唐金城寺放生池碑

右唐金城寺放生池碑書撰人姓名皆已殘缺據田槩京兆金石錄以爲韓擇木書豈當槩爲錄時尙完好可讀乎其字畫奇偉非擇木不能爲也

唐多寶塔感應碑

金二十七

七

右唐多寶塔感應碑岑勛撰顏真卿書多寶塔者僧楚金所造楚金嘗寫法華經千餘部置塔中今猶有存者余於士大夫家數見之余亦得其一卷乃乾元二年肅宗所造卷首佛像絹素畫跡尙如新也

唐滎陽王妣朱氏墓誌

右唐朱氏墓誌韓擇木書擇木以八分名家石刻存者尙多而此誌獨爲正書筆法清勁可愛擇木正書見於世者惟此爾

唐武部尙書楊珣碑

右唐楊珣碑按唐書宰相世系表以珣爲友諒子今碑乃云志謙子疑史誤珣楊國忠父也故⑤宗親爲製碑其末盛稱楊國忠之美云我有社稷爾能衛之我有廊廟爾能宰之叶和九功九功惟序平章百姓百姓昭明其語可謂褒矣豈所謂臨亂之主各賢其臣者乎碑天寶十二載建蓋後二年祿山起兵又一年國忠被戮矣

唐宇文灝山陰述

右唐宇文灝山陰述杜陵史懷則書懷則與史惟則同時必其兄弟也惟則以八分著名懷則之書蓋不減惟則而初不見稱於當時者豈非其位不顯乎以此知士負其藝能或以垂名於不朽或遂湮沒而無聞者蓋亦有幸有不幸也若懷則之書非見錄於予則遂泯沒於後世矣

唐永陽郡太守姚奕碑

右唐姚奕碑奕崇子也新唐史云崇諡文獻而此碑及張說所撰崇碑皆云諡文貞蓋崇父懿已諡文獻父子罕有同諡者當以碑爲正

唐雲門山投龍詩

右唐雲門山投龍詩北海太守趙居貞撰序言天寶<sup>⑤</sup>默歲下元日居貞投金龍環壁於此山有瑞雲出于洞中有聲云皇帝壽一萬一千一百歲蓋天寶中<sup>⑥</sup>宗方崇尚道家之說以祈長年故當時詔諛矯妄之徒皆稱述奇怪以阿其所好而居貞遂刻之金石以重欺來世可謂愚矣

唐忘歸臺銘

右唐忘歸臺銘集古錄云此銘及孔子廟城隍神記三碑並在縉雲其篆刻比陽冰平生所篆最細瘦世言此石皆活歲久稍生刻處幾合故細者恐無是理果若爾更加以歲月則遂無復有字矣此數碑皆陽冰在肅宗朝所書是時年尚少故字畫差疏瘦至大<sup>⑦</sup>以後諸碑皆暮年所篆筆法愈<sup>⑧</sup>勁理應如此也

唐渭南令路公遺愛表

右唐路公遺愛表蘇源明撰新唐史列傳云路嗣恭字懿範今此碑乃云公名嗣恭字嗣恭然則唐史以爲字懿範者不知何所據也

唐呂誼祠廟碑

右唐呂諲祠廟碑衛密撰云上元紀歲之明年詔始置南都以荊州爲江陵府命長史曰尹按元結所撰呂公表與肅宗實錄皆云上元元年九月改荊州爲南都獨此碑以爲二年改恐誤

唐呂公表

右唐呂公表元結撰前太子文學翰林院待詔顧誠奢書杜甫集有贈顧八分文學詩卽誠奢也誠奢八分不多見余所得者衛密撰呂公廟碑并此表郭英奇郭愼微碑爲四耳甫詩稱其最工小字而此表字畫甚大尤壯偉可喜按唐書帝紀及宰相表皆云乾元二年七月辛卯諲以母喪罷十月起復上元元年五月壬子復罷爲太子賓客今此表乃云乾元二年六月丁內憂上元元年七月復罷相月日小不同未知孰是

唐玉真公主墓誌

右唐玉真公主墓誌王縉撰誌云公主法號無上眞字⑤天寶中更賜號曰持盈而唐史但言字持盈爾誌又云中宗時封昌興郡主睿宗時封昌興公主後改封玉眞進爲長公主唐史但言封崇昌縣主而以昌興爲

崇昌者皆其闕誤誌又云元年建辰月卒而史以為卒於寶應中亦非也此於史學皆至淺末不足道然著之要見唐史多謬誤耳

唐京兆尹鮮于仲通碑

右唐鮮于仲通碑顏真卿撰并書仲通以多財結楊國忠薦為劍南節度使討南詔蠻大敗國忠為諱之再薦為京兆尹其始卒無他可稱見於史者惟嘗表請國忠兼領劍南節制及為國忠頌功德立碑耳魯公為此碑稱述甚盛以此知碑誌所載是非褒貶果不可信雖魯

金二十七

公猶爾況他人乎明皇實錄稱仲通以漏禁中語貶邵陽司馬而碑言為國忠所忌貶小人之交初以利合終以利敗理固然也

唐慧義寺彌勒像碑

右唐慧義寺彌勒像碑李潮八分書潮書初不見重於當時獨杜甫詩盛稱之以比蔡有鄰韓擇木今石刻在者絕少惟此碑與彭元曜墓誌爾余皆得之其筆法亦不絕工非韓蔡比也

宋昌善書其闕焉誌又云云



金石錄卷之二十七

金二十七

九

士

金石錄卷之二十七

金石錄卷之二十八

唐 跋尾十八

唐嚴浚碑

唐郭英乂碑

唐潘孝子頌

唐萬年縣令徐昕碑

唐富平尉顏喬卿碣

唐贈太尉李愷碑

唐麻姑仙壇記

唐涼國夫人李氏碑

金二十八

唐呂府君敕葬碑

唐高陵令李峴遺愛頌

唐宋璟碑

唐宋廣平碑側記

唐放生池碑陰記

唐滑臺新驛記

唐右僕射裴遵慶碑

唐杜濟墓誌

唐重摹延陵季子墓刻

唐顏勤禮碑

唐顏默殘碑

唐開元寺僧殘碑

唐顏魯公與郭僕射書

唐元結碑

唐張九齡碑

唐右神武將軍史繼先墓誌

唐三藏和尚不空碑

唐內侍監魚朝恩碑

金二十八

唐康日知墓誌

唐工部尚書辛京杲碑

唐茶山詩并詩述

唐崔淙謝廣利方表

唐嚴浚碑

右唐嚴浚碑徐浩書題禮部尚書襄陽縣開國子席某撰而其名殘缺不可辨按天寶中席豫嘗為此官而碑未有云豫平生交好知其為席豫撰也唐書列傳云浚華州華陰人而碑云馮翊臨晉人碑文字剝落所存無

幾惟其首大字十二字尙完好筆法奇偉可愛云

唐郭英又碑

右唐郭英又碑元載撰按唐書百官志開元中增集賢待制官至永泰時勳臣罷節制無職事皆待制於集賢門凡十三人今此碑載英又永泰元年實領此職余觀韋述所撰集賢注記開元天寶閒凡隸名於集賢者皆一時文學之選蓋官以待制爲名所以備人主顧問言語侍從之臣也今乃以武夫庸人參於其閒可乎代宗之政其綱紀廢弛者多矣豈特此而已哉

金二十八

唐潘孝子頌

右唐潘孝子頌崔稱撰孝子字季通與其父良瑗相繼有至行親喪皆廬墓大<sub>麻</sub>中宣慰使李季卿以聞有詔褒美墳隴在今中牟縣祥符中

章聖皇帝西祀汾陰過之

詔有司封其墓且禁樵采云

唐萬年縣令徐昕碑

右唐徐昕碑韓雲卿撰碑云昕爲并州錄事參軍相國姚元之爲法曹答部人部人誣上反狀天后臨朝方樹

刑威詔公先假風憲然後按詰公表直元之則天大怒將貽鼎鑊終能犯顏曉辨正刑而出果如雲卿所書可謂賢矣而唐史不載因爲錄之昕爲有功從弟其忠厚之性固宜異於他人也

唐富平尉顏喬卿碣

右唐顏喬卿碣在長安世頗罕傳或云其石今亡矣有朝士劉繹如者汾陽人家藏漢唐石刻四百卷以余集錄闕此碣也輟以見贈宣和癸卯中秋在東萊重易裝標因爲識之

金二十八

四

唐贈太尉李愬碑

右唐李愬碑李紆撰歐陽公集古錄云新唐書列傳載愬十餘子江風涵瀛等同被害惟源彭免據李紆載愬子見於碑者十二人未嘗有源也然則源者史家何從得之據史言源爲司農主簿以碑考之源當爲汝余按穆宗實錄載源事首尾甚詳云愬被害源方八歲爲賊所虜流浪南北展轉人家凡七八年洛陽平父之故吏以金帛贖之歸於近親代宗聞之授河南府參軍自司農主簿棄官寓居洛陽惠林佛寺垂五十年至長慶中

御史中丞李德裕表薦拜諫議大夫時年八十餘矣竟辭不受又李德裕會昌一品策載薦源表其事皆同然則史不爲無據蓋疑其初名汶後改爲源耳又唐人袁郊撰甘澤謠載源隱居拜官皆同惟書僧圓澤事頗怪誕難信然至其名亦不應謬誤也

唐麻姑仙壇記

右唐麻姑仙壇記顏魯公撰并書在撫州又有一本字絕小世亦以爲魯公書驗其筆法殊不類故正字陳無已謂余嘗見黃魯直言乃慶<sub>曆</sub>年一學佛者所書魯直猶能道其姓名無已不能記也小字本今錄於後使覽者詳其真僞焉

唐涼國夫人李氏碑

右唐涼國夫人李氏碑李郭子儀夫人也碑韓雲卿撰史惟則八分書并篆額文詞頗簡古而字畫工妙可喜或云碑今亡矣故世罕傳雲卿乃退之叔父蝌蚪書後記所謂大<sub>麻</sub>中以文詞獨行中朝者

唐呂府君敕葬碑

右唐呂府君敕葬碑呂府君者名惠恭僧大濟之父代

宗朝元載王縉用事宗尚浮圖之法大濟爲帝常修功德使殿中監故褒贈其父爲兗州刺史官爲營辦葬事爵賞之濫一至於此

唐高陵令李峴遺愛頌

右唐李峴遺愛頌峴嘗任高陵縣令後爲宰相已歿歿後縣令蘇端刻此頌焉碑云曾祖恪封吳王祖琨嗣吳王父禕信安郡王元和姓纂所載亦同而唐書列傳以爲恪之孫誤矣

唐宋璟碑

金二十八

六

右唐宋璟碑顏真卿撰并書唐書載廣平六子曰昇尚渾恕華衡今此碑言公有七子曰復昇尚渾恕延華衡乃八子也魯公所撰廣平碑側記亦曰公之第八子衡謫官沙州蓋廣平實有八子唐書闕復延二人而此碑魯公誤書八字爲七耳又碑云廣平自吏部侍郎兼攝尚書左丞而史不載後自楚州刺史歷魏兗冀三州兼河北按察使遷幽州都督復爲魏州而史但言歷兗冀魏三州刺史河北按察使進幽州都督而已史又載廣平爲廣州都督時郡人爲璟立遺愛頌璟上疏辭讓有

詔許停而碑乃云燕公張說嘗爲碑頌今燕公集中實有此文豈已爲文而未嘗刻石歟

唐宋廣平碑側記

右唐宋廣平碑側記顏魯公撰載廣平任御史時持服於沙河縣屬突厥寇趙定州河朔兇懼邢州刺史黃文軌投艱於公公以父母之邦金革無避及賊至城下公爲曉陳禍福其徒素聞公威名者相率而去之開元末安西都護趙含章冒于貨賂多以金帛賂朝廷之士九品以上悉皆有名後節度范陽事覺有司以聞(玄)宗將加黜責公一無所受乃進諫焉(玄)宗納之遂御花萼樓一切釋放舉朝皆謝公衣冠儼然獨立不拜翌日(玄)宗謂公曰古人以清白遺子孫今卿一人而已公曰含章之賄偶不及臣門非不受也(玄)宗深嘉之又云公第八子衡因謫居沙州參佐戎幕土番入寇陷于賊庭素聞太尉名德曰唐天子我之舅衡之父舅賢相也其可留乎大(麻)十一年以三百騎盡室護歸此皆廣平逸事有以見其清德冠當世威名動夷狄如此而新舊史皆不載故併錄之於此碑覽者得詳焉



唐放生池碑陰記

右唐放生池碑陰記唐自天寶以後紀綱廢壞職官之濫不可勝載此記具列當時僚屬名氏凡團練副使別駕四人同團練副使一人長史三人司馬三人錄事參軍三人司功司倉司兵皆一人司法司戶皆三人司田司士皆二人參軍四人烏程縣令一人丞三人主簿一人尉四人長城縣令一人丞三人主簿一人尉五人安吉縣令一人攝令一人丞二人主簿一人尉六人武康縣令二人丞三人主簿二人尉四人德清縣令一人丞二人主簿一人尉三人一郡而吏員猥多如此然史不能盡記故詳錄之於此焉

唐滑臺新驛記

右唐滑臺新驛記李勉撰李陽冰篆其陰有銘歐陽公云不知作者為誰余嘗考之乃舒元與玉筍篆志後贊也其文載於唐文粹及元輿集中歐陽公偶未嘗見之

爾

唐右僕射裴遵慶碑

右唐裴遵慶碑唐書列傳載遵慶所歷官甚簡略以碑

考之其尤著者自吏部郎出爲濛陽太守貶符陽郡徵拜禮部郎中而史不載肅宗朝拜給事中累遷尙書右丞兵部戶部侍郎再授吏部而史但言爲吏部侍郎而已又史云遵慶薨時年九十餘碑云年八十五碑云遵慶諡貞孝而史無之皆其闕誤也

唐杜濟墓誌

右唐杜濟墓誌但云顏真卿撰而不云書歐陽文忠公以謂非魯公不能爲也蓋世頗以爲非顏氏書更俟識者辨之余觀此誌字畫奇偉決非他人可到歐陽公信小字麻姑仙壇記以爲真蹟而尙疑此誌何哉

金二十一入

九

唐重摹延陵季子墓刻

右吳季子墓刻自唐以來相傳爲孔子書大<sup>麻</sup>中蕭定再摹而刻之余覽史記家語及秦漢以前諸子凡孔子與學者談議問答是非褒貶纖悉必載其閒荒誕之說實非出於聖人而附託書之者固有之矣況於季子之賢孔子親銘其墓不應略不見稱於前世至唐而始傳也又碑銘始於東漢孔子時所未有而其字畫乃故爲奇怪以欺眩世俗者非孔子書無疑蓋好事者僞爲耳

故余特爲錄之以解來者之惑後有博識之士當以余言爲然

唐顏勤禮碑

右唐顏勤禮碑魯公撰并書元祐閒有守長安者後圃建亭榭多輦取境內古石刻以爲基址此碑幾毀而存然已磨去其銘文可惜也

唐顏默殘碑

右唐顏默殘碑者初潁川人家以其石爲馬臺皇祐中王回深父之弟同容季見而識其爲魯公書因模本以傳深父爲文以記之默仕晉爲汝陰太守故大<sub>麻</sub>中魯公追建此碑於汝陰焉

唐開元寺僧殘碑

右唐開元寺僧殘碑雖書撰人姓名殘缺然以其字畫驗之爲顏魯公書無疑也初

仁宗朝吳長文參政在京師統居治地得之當時文士皆爲賦詩今其石尙藏汶上長文家云

唐顏魯公與郭僕射書

右唐顏魯公與郭僕射書僕射郭英乂也魯公於座位

高下小有失當猶力爭如此使之立朝其肯逢君之惡乎

唐元結碑

右唐元結碑顏魯公撰并書按唐書列傳結後魏常山王遵十五世孫而碑與元氏家錄序皆云十二世蓋史之誤又碑與元和姓纂皆云結高祖名善禕而家錄作善禕未知孰是也

唐張九齡碑

右唐張九齡碑徐浩撰并書歐陽公集古錄云按唐書

二の十五

金二十八

十一

列傳所載大節多同而時時小異碑長慶中立而公薨在開元二十八年至長慶三年實八十四年所傳或有同異至於年壽官爵子孫宜不謬當以碑為是今考之浩撰碑時為嶺南節度使在大<sub>麻</sub>閒距曲江之卒未遠至長慶中其家始刻石耳劉禹錫讀曲江集詩序以謂曲江燕翼無似終為餒魂而碑載公嗣子拯孫藏器碑後又載曾孫敦慶<sub>玄</sub>孫景新景重然則曲江為有後矣不知禹錫何所據乎碑又云公一名博物而史不載

唐右神武將軍史繼先墓誌

右唐史繼先墓誌徐浩撰云公諱繼先字繼先夏后氏之苗裔殷時遷於北土曾祖牟雨可汗祖墨噉可汗諱瓌父墨特勒諱逾輪肇歸皇化封右賢王又云繼先<sup>②</sup>宗時爲左金吾衛大將軍酒泉郡太守河西節度副使肅宗初知神武軍事賜姓史氏其後爲右神武將軍封潁國公卒於建中元年按唐書突厥傳載墨噉子孫事甚略粗可見者云命默噉子左賢王墨特勒討毗伽可汗其歸朝及繼先賜姓等事史皆無之又史云默噉而墓誌作墨史云墨特勒爲左賢王而墓誌作右賢王皆當以墓誌爲據元和姓纂紀史氏亦不載繼先名姓故詳錄之以裨唐史及姓纂之闕漏云

唐三藏和尚不空碑

右唐不空碑唐自明皇以後職官不勝其濫下至佛老之徒亦皆享高爵重祿故不空始爲特進大鴻臚封肅國公旣歿又贈司空於乎名器之輕一至於此昔舜命伯禹作司空與是異矣

唐內侍監魚朝恩碑

右唐魚朝恩碑吳通<sup>②</sup>撰通微書朝恩雖以譴死然其

徒如竇文場焦奉超猶居中用事故德宗朝詔爲立碑  
通<sup>玄</sup>兄弟於陸贄謗毀詆排無所不至至爲朝恩碑則  
稱頌功德如此可以見其爲人矣

唐康日知墓誌

右唐康日知墓誌李紓撰唐書日知傳云祖植開元中  
爲左武威大將軍而誌云祖禕不仕傳云日知終晉絳  
節度使而誌云卒於左威衛上將軍傳云累加檢校尙  
書左僕射贈太子太師而誌云爲檢校兵部尙書其卒  
乃贈僕射紓與日知同時人墓誌所書宜得其實也

金二十八

唐工部尙書辛京杲碑

右唐辛京杲碑按元和姓纂載辛氏云懷節生言爲都  
水使者言生雲京京杲而碑乃云懷節生思廉爲左驍  
衛大將軍公卽大將軍之愛子金城郡王之從父弟新  
史所書亦同金城郡王卽雲京也然則姓纂以京杲爲  
言之子雲京之同父弟誤矣

唐茶山詩并詩述

右唐袁高茶山詩并于頔撰詩述李吉甫撰碑陰記共  
兩卷湖州歲貢茶高爲刺史作此詩以諷高恕己孫也

貞元中德宗將起盧杞爲饒州刺史高任給事中爭甚力於是止用杞爲上佐德宗猜忌刻薄出於天資信任盧杞幾亡天下奉天之圍賴陸贄之謀以濟杞之貶黜迫於公議然終身眷眷不能忘於贄則一斤不復其奔走播遷而不亡者豈非幸歟非高等力排其姦則復任用杞未可知也唐史稱高代宗時累遷給事中建中中拜京畿觀察使坐累貶韶州長史復拜給事中吉甫爲碑陰述高所歷官甚詳云大<sub>麻</sub>中從其父贊皇公辟爲丹陽令再表爲監察御史浙西團練判官德宗嗣位累遷尙書金部員外郎右司郎中擢御史中丞爲杞所忌貶韶州長史尋刺湖州收復之歲徵拜給事中以卒然則高代宗朝未嘗爲給事中德宗朝未嘗拜京畿觀察使其貶韶州時實爲中丞而其爲中丞與湖州刺史傳皆不載今并著之以證唐史之誤

唐崔滂謝廣利方表

右唐崔滂謝廣利方表德宗貞元中自著方書號貞元廣利方頌之郡國滂時爲同州上表稱謝德宗信任姦臣毒流天下而區區欲以醫方救民疾苦可謂婦人之

仁矣

金石錄卷之二十八

金二十八

五



金石錄卷之二十九

唐 跋尾十九

唐義興縣重修茶舍記

唐昭義軍節度使王虔休碑

唐顏杲卿碑

唐乘廣禪師碑

唐般舟和尚碑

唐韓退之題名

唐國子助教薛公達墓誌

唐虞城令李公去思頌

金二十九

唐贈吏部尚書武就碑

唐彌陀和尚碑

唐魏博田緒遺愛碑

唐右僕射裴耀卿碑

唐劉統軍碑

唐興元節度使裴玢碑

唐贈司空于萼碑

唐左常侍薛萃碑

唐呂元膺碑

唐檢校太子少保田公碑

唐昭義軍節度使辛秘碑

唐黃陵廟碑

唐贈太保李良臣碑

唐絳守居園池記

唐柳州井銘

唐澱州刺史高德政碑

唐西平王李晟碑

唐烏重胤碑

唐李祐墓誌

唐令狐公先廟碑

唐殿中侍御史韋翊墓誌

唐義興縣重修茶舍記

右唐義興縣重修茶舍記云義興貢茶非舊也前此

故御史大夫李栖筠實典是邦山僧有獻佳茗者會客

嘗之野人陸羽以為芬香甘粹冠於它境可薦於上栖

筠從之始進萬兩此其濫觴也厥後因之徵獻浸廣遂

為任土之貢與常職之邦侔矣每歲選匠徵夫至二千

為任土之貢與常職之邦侔矣每歲選匠徵夫至二千

金二九

餘人云余嘗謂後世士大夫區區以口腹玩好之獻爲愛君此與宦官宮妾之見無異而其貽患百姓有不可勝言者如貢茶至末事也而調發之擾猶如此況其甚者乎羽蓋不足道於乎孰謂栖筠之賢而爲此乎書之可爲後來之戒且以見唐世義興貢茶自羽與栖筠始也

唐昭義軍節度使王虔休碑

右唐昭義軍節度使王公碑其名已殘缺以事考之蓋王虔休也與唐書列傳所載官爵行治多同惟碑云贈右僕射傳爲左僕射小失不足道而碑與傳皆云虔休汝州梁縣人元和姓纂以爲范陽人非也

唐顏杲卿碑

右唐顏杲卿碑眞卿撰元和中舊石剝缺其甥盧佐元重書而刻之舊唐史言杲卿旣殺蔣欽湊等<sup>⑤</sup>宗知之加杲卿衛尉卿兼御史大夫以袁履謙爲常山太守杲卿爲司馬今以碑考之乃進兼中丞追赴京而以賈深爲司馬新史所書亦同蓋舊史之謬碑又言公初被害懸首於右金吾街樹有張湊者收其髮謁<sup>⑥</sup>宗俄見夢

云禦捍處多兵馬少宗哭而設祭焉後湊以髮至夫  
人疑之憑牀而哭忽聞聲如鞭牀者髮箱跳而前夫人  
方駭信之其事甚怪而舊史不書新史所載亦簡略臬  
卿忠義之節貫金石其死宜不昧而魯公之語可信不  
疑故盡錄其事於此

亦不其唐乘廣禪師碑

右唐乘廣禪師碑劉禹錫撰初余爲金石錄頗以唐賢  
所爲碑板正文集之誤禹錫之文所錄才數篇最後得  
此碑以校集本是正者凡數十字以此知典籍歲久轉

金二十九

寫脫誤可勝數哉

唐般舟和尚碑

右唐般舟和尚碑柳宗元撰并書子厚頗自矜其書然  
亦不甚工今見于世者惟此與彌陀和尚碑爾雖字畫  
小大不同然筆法絕相似歐陽公以爲不類又疑他人  
借子厚之名者非也

唐韓退之題名

右唐韓退之題名在嵩山天封觀柱蓋退之自書又一  
本與石洪等題名在洛陽福先寺乃同遊者所書爾世

閒又有退之與大顛書乃國初一學佛者偽作而歐陽公集古錄以為非偽永叔平生為文宗師退之且力詆釋氏而獨信此書何哉近錄轉

唐國子助教薛公達墓誌

右唐薛公達墓誌韓退之撰以昌黎集本校之頗不同皆當以石本為是今略舉數處集本云曾祖曰希莊父曰播而闕其祖石本乃云祖曰元暉果州流溪縣丞贈左散騎常侍集本云君執弓腰二矢挾一矢而興而石本作指一矢以興集本云遺言曰以公儀之子為己後而石本作以公儀之子己已後我蓋其小字也如此類甚眾略舉數處要知石刻可貴爾天林一矢而興而石

金二十九

五

右唐虞城令李公去思頌李白撰王適書碑側題云元和四年二月重篆蓋適不與白同時此碑後來追建爾歐陽公集古錄云適在陽冰前者誤也

唐贈吏部尚書武就碑

右唐武就碑就元衡父也元和姓纂載平一四子集備就登備生元衡今此碑與唐書宰相世系表皆以元衡

爲就子姓纂元和中修是時元衡爲宰相不應差其世次豈余家所藏本偶爾脫誤乎當俟別本校正

唐彌陀和尚碑

右唐彌陀和尚碑柳宗元撰并書以集本校之不同者十餘字皆當以碑爲正

唐魏博田緒遺愛碑

右唐魏博田緒遺愛碑裴均撰張<sup>①</sup>靖書政和中與柳公權所書何進滔德政碑俱爲大名尹所毀

唐右僕射裴耀卿碑

金二十九

六

右唐裴耀卿碑許孟容撰宋次道春明退朝錄載皇祐中王沂公曾之弟子融侍郎守河中還以唐明皇所題裴耀卿碑額上之

神宗遂御篆

賜沂公碑額曰旌賢今此碑元和中立文與額皆歸登書非明皇所題疑子融所上乃明皇書裴光庭碑爾耀卿光庭二碑皆在絳州也又按新唐史列傳云耀卿字煥之宰相世系表作渙之而碑乃字子渙傳云耀卿守眞次子而碑乃第三子皆史家之謬

唐劉統軍碑

右唐劉統軍碑字畫雖殘缺猶歷歷可辨以昌黎集本校之時有異同皆當以碑爲是惟敘其世系不同則疑碑之誤集本云公曾祖考爲朔州守祖令太原再世北邊樂其高寒棄楚不還逮於公身三世晉人而墓誌亦云曾大父諱承慶朔州刺史大父巨敖爲太原晉陽令遂著籍太原之陽曲今此碑乃云考令太原又云再世晉人且碑旣言陽曲之別繇公祖遷則其爲晉人非再世明矣余故曰石本誤也碑當時所立其諸子皆在不應差其世次而錯謬如此莫可曉也

金二十九

七

唐興元節度使裴玢碑

右唐裴玢碑晉公裴度撰碑已斷裂其姓氏摩滅不可識云公諱玢字連城以事考之蓋裴玢也玢元和中爲興元節度使以疾歸朝卒新舊史皆有傳舊史云五代祖疏勒國王綽武德中來朝授鷹揚大將軍天山郡公因留爲京兆人而新史乃云名糾今碑所載與舊史同不知新史何所據而改爲糾乎疑傳寫誤耳又新舊史皆云綽玢五世祖而碑云高祖亦當以碑爲正

唐贈司空于萑碑

右唐于萑碑集古錄載萑碑云盧景亮撰今此碑乃云張躬撰疑萑有兩碑景亮所撰余錄中偶無之當俟訪求

唐左常侍薛萃碑

右唐薛萃碑唐史列傳云萃父順爲奉先尉而此碑及元和姓纂皆云名順先蓋史誤

唐呂元膺碑

右唐呂元膺碑舊唐史云元膺字景文新史云字景夫而碑乃字孟清新舊史皆云元膺自御史中丞拜岳鄂觀察使而碑乃爲岳鄂觀察兼中丞爾其卒也舊史云諡曰憲而碑作獻皆當以碑爲據

唐檢校太子少保田公碑

右唐檢校太子少保田公碑李宗閔撰文字殘缺以事考之蓋田弘正之兄融碑也弘正帥魏博詔以融爲相州刺史使之相近唐史稱弘正幼孤事融甚謹軍中嘗分曹習射弘正聯中融怒退扶之故當田季安猜暴時能自全及爲軍中推迫融不悅曰爾竟不自晦取禍之



道也其後④正與其子布皆被禍如融言融兄弟父子出於軍旅其智略皆過人如④正布之忠義融之先見真一代豪傑也碑爲篆字題嵩山布衣書而名姓磨滅不可識其筆跡頗佳

唐昭義軍節度使辛秘碑

右唐辛秘碑與新唐史所載事跡大略皆同惟碑與舊史皆云登五經開元禮科而新史云舉明經碑云其卒贈右僕射而新舊史皆作左僕射爾又舊史云諡曰昭而新史云諡曰肅後更諡懿碑不載其諡莫知孰是也

金二十九

九

唐黃陵廟碑

右唐黃陵廟碑碑四面皆有字今其兩面字多處已磨滅不可讀此本蓋七八十年前舊物字畫完好可寶也今世所傳退之集多爲人妄加讐校而此碑人家尙時有之故訛謬爲少然退之自潮移袁入爲國子祭酒實三年而碑云三十年蓋書碑者誤爾

唐贈太保李良臣碑

右唐李良臣碑良臣李光顏之父也碑李宗閔撰文詞爾雅可喜宗閔牛僧孺皆一代奇才而自陷朋黨惜哉

唐絳守居園池記

右唐絳守居園池記樊宗師撰昔之爲文者雖務爲新語然未嘗有意於求奇也宗師之文乃故爲險怪必使人不可曉而後已此豈作者之體哉

唐柳州井銘

右唐柳州井銘柳宗元撰沈傳師書字畫頗不工疑後人僞爲然以子厚集本校之不同者數字此本爲善又恐工人摹刻不甚精好爾更俟識者辨之

唐澠州刺史高公德政碑

金二十九

十

右唐澠州刺史高公德政碑王起撰按唐書地里志元和十二年以鄆城上蔡西平遂平四縣置澠州長慶元年州廢今碑後題長慶而其下缺殘當爲元年蓋是年州遂廢矣高公者名承簡崇文之子爲裴度牙將後至邠甯節度唐史有傳

唐西平王李晟碑

右唐李晟碑裴度撰碑載西平子十二人愿聰摠遜憲恕憲恕懿聽恭愍唐史宰相世系表所書亦同而新舊史列傳皆云晟有十五子舊史云侗偁偕無祿蚤世豈

以侗等蚤世故碑不載歟又李石撰李聽碑云西平有子十六人疑更有未名而卒者爾元和姓纂載西平子十人以碑校之姓纂缺聰摠憑懿四人而怵應二子墓碑舊史皆無之又其倫次差謬亦當以碑爲正

唐烏重脩碑

右唐烏重脩碑新唐史列傳云重脩爲橫海節度使討王廷湊久不進兵穆宗以爲觀望詔杜叔良代之以重脩爲太子太保長慶末以檢校司徒同中書門下平章事爲山南西道節度使召至京師改節天平軍文宗初

金二十九

七

眞拜司徒今以碑考之重脩爲橫海節度也長慶元年徙爲山南西道周歲徵入改天平軍四年就拜太子太保文宗踐極眞拜門下平章事頃之同中書爲司徒餘如故蓋重脩之罷橫海卽移鎮興元未嘗拜太子太保而其爲太保實帥天平又其帥興元時未嘗兼宰相至文宗卽位乃拜爾舊史與文宗實錄所書略同皆可以正新史之失

唐李祐墓誌

右唐李祐墓誌庾敬休撰新唐書列傳云李祐爲夏綏

銀節度使徙涇原討李同捷也改滄德景節度累遷檢校尚書左僕射董重質之貶未幾轉太子少詹事隸武備軍遷左神武將軍累擢左右神策行營劍南西川節度復云厯帥夏綏銀終右龍武統軍贈尚書右僕射其所書首尾顛倒今以墓誌考之祐以平蔡功超授左神武將軍從徐州李愬平李師道遷左金吾衛將軍帥綏銀夏遷戶部尚書兼左金吾衛大將軍遂爲齊德滄景等州節度使以卒其所厯官止此矣蓋未嘗爲少詹事帥涇原領劍南節制也不知史何所依據又誌云卒於

金二十九

三十九

十三

滄景而傳言終龍武統軍誌云贈司徒而傳言贈僕射亦當以誌爲是祐之爲吳元濟將也據李愬傳言吳秀琳之降爲愬策曰必破賊非李祐不可祐賊健將也守興橋柵其戰常易官軍愬候祐穫于野遣史用誠以壯騎三百伏其傍祐果輕出遂爲所禽今誌乃言祐潛布款誠於愬且曰某以某日歸命其就執也願得傷一支以爲解不然妻子之在賊城無遺類矣愬許之泊至唐州同執者十二人命斬於牙門外次至祐大叫謂愬曰公背初約耶今淮蔡未平不宜誅壯士愬乃釋之自取

藥封其臂分衣服飲食與語終日卽署爲都知兵馬使  
二說不同未知孰是也

唐令狐公先廟碑

右唐令狐公先廟碑劉禹錫撰集本云躬若奉盈而碑  
本躬作躬按史記周公世家云躬躬然如畏徐廣曰躬  
躬謹敬貌也出三蒼後人不知躬字所出遂改爲躬誤  
矣其他異同尙多不盡錄也

唐殿中侍御史韋翊墓誌

右唐韋翊墓誌劉禹錫撰世所傳禹錫文集無此誌蓋

金石錄卷之二十九

十三

禹錫集本四十卷今亡其十卷墓誌皆闕非獨此一篇  
也翊有子詢仕爲湖南觀察使舊史有傳新史無之墓  
誌云翊父幼卿而傳作台卿墓誌云翊官終殿中侍御  
史而傳作侍御史皆非也

金石錄卷之二十九

